

men ubi timor, ibi & omnino pudor est. in plus enim se extēdit a pudore timor, par-
ticula namq; pudor timoris est, sicut numeri impar. ita scilicet ut ubi sit numerus, nō
protinus imparē esse oporteat, ubi tamē impar, numerum esse sit necesse. Demoſthene-
nes uero ita dixit, malum q̄uis solus sis: ne dicas, nedum facias, disce uero ex omnibus,
teipſū multo magis reuereri, quod & Pythagoras inter aurea illa uerba, quae pro-
tulit, multo ante significauit dicens. Rē turpem, neque cum alio, neque iuxta te pos-
tus facias, præ omnibus tui teipſum maxime pudeat. & item. Cupias potius, ut qui
tecum conuersantur, te reuereantur, q̄ timeant: pudori namq; adest ueneratio, timo-
rem autem odiū comitatur. Theophrastus uero ita ait. Si te ipsum fueris reueritus,
nunq; alium erubesces. Sopatrus autem ad hūc modum. Caeu & pudeat te, ad corru-
ptas hominum opiniones respicias, at uerum sermonem cunctis in rebus propone, ne-
que apparentem utilitatem cum damno subditorum eligas, neq; fugias ignominiam
quæ uideatur cedere in commoda eorum qui tibi subaudiunt atq; parent imperio, si
quidem non quācūq; existimationem, sed optimā uitam possidere, inter homines ueli-
mus. Pythias (quæ Aristotelis filia traditur) rogata quisnam colos optimus? qui
(inquit) præ pudore ingenuis & liberis hoībus in uultu efflorescit. Sed & Cato
iuuenum illis se magis delectari dicebat, qui rubescerent: q̄s qui pallescerent. Dioge-
nes autem cum iuuenem rubescensem uidisset, macte (inquit) uirtute esto, & cōfide
O fili. talis namq; est ipsius uirtutis color. Hesiodus autē Homerum in hoc secu-
tus, pudorem magno uel commodo, uel damno hominibus esse uult, dum in primo
operum inquit. Pudorem non est bonū adesse uiro indigenti. Pudor multum homines
aut iuuat, aut lāedit. Pudor quippe infelicitatem, cōfidentia autem opes afferre solet.
Sed hæc poetæ dixisse concedemus, qui non adeo diligenter rerum appellations cu-
rat: nos autem dicemus Aristotelem in libro de moribus securi, q̄ uerecundus omnis
est laudabilis: est enim in ijs quoq; affectibus superabundantia, & deſſectus. & q̄
exuperat quidem qui in uniuersis uerecundatur, qualis est ipse pauidus, qui uero defi-
cit, aut nulla in re uerecundatur, appellatur impudens: medius autem est ipse uerecun-
dus. Melius Homerus qui fortissimos uiros ob pudorem res aggredi pulcherrimas
facit, quid enim ait inter Græcos Diomedes?

Inter enim dicet Troianos optimus Hector,

Tuydes fugiens puppes confugit ad altas.

Scilicet quia pudorem detrectabat, pugnam capessit. & alibi inquit. Ex uiris pu-
descientibus, plures salui sunt, q̄ turpi morte perempti. & cum laceſſerentur Græco-
rum quiq; ad singularem pugnam fortissimi. Timor (inquit) fuscipere pro se quēque
uerabat, sed pudor negare recusabat. At uero impudentes, quiq; nullam boni & ho-
nesti

ANTO. LOD. MEDICI OLYSSIPPO.

nesti rationem habeant, sed ter (ut dicitur) faciem abstulerunt, nullo magis epiterto infamavit, quod cynopidas vocat, hoc est caninos oculos habentes, quo uitio Achiles inurit Agamēnonē. Quintilianus item inter uitia oratoris perfrictionem facit, quod impudētiā signat, imprimis notat, Vitiosa (inquit) sunt illa, intueri lacunaria, & perfricare facie, quasi improbabē facere. Plutharchus auctor est Ciceronē orationem habiturum, solitum ante leua barbam demulcere, quod & facientem imperfectum esse idem prodidit. Quia uero iam satis quid de pudore ueteres prodiderunt, retulimus: nunc ad exempla transeamus, ut compertum omnibus sit, ut optimus quisque fuerit, ita hoc laudatissimo hunc non caruisse affectu. Cesar quoniā in senatu nō assurrexisset tribunis, & consulibus, sed sedens tanquam ad idiotas, & infimos homines responsa daret, grauiter ita est affectus pudore, domū reuersus, ut reducta à collo tunica, se paratiū diceret, iugulum exhibere, cuicūq; qui eum occidere uellet. Cum Medi prosequente Cyro, urbem fuga repeterent, insequerenturq; hostes, iam mox uictores futuri, nec quisq; dubitaret, quin eo impetu ciuitas atque insultu foret capienda, Persicæ mulieres ex urbe suis fugientibus inconsulta temeritate, obuiam procedentes, atque uteris apertis, & muliebribus genitalibus patefactis clamantes, quo ruitis o ignauissimi, an uos latet minime uobis huc in alios unde prodijstis, regredi licere: uictoriā insperatam tribuerunt, nam tam graui mox pudore subito milites conuersti, fusos & inconsiderate soluto agmine procurrentes inimicos, non multo cum labore fugarunt. Lacon quidam nimium honoris, & gentis suæ nominis studio suis: cum uenderetur sub hasta à præcone, putaretq; hinc ignominiam & dedecus aliquod suis ciuibus accrescere, clamaretq; præco, Laconē uendo, captiuum dicio (inquit) uendo, non Laconem. Pudebat non uictum ductum esse in captiuitatem: sed cū Lacon natus esset, in hostium manus uenisse. Nā tanta erat mulierū Lacenarū fortitudo animi: ut ituris in bellum filijs, scutū truderent: dicentes aut hoc, aut super hoc, Laconica breuitate significantes, ut aut scutum matri referrent, aut super eum mortui reducerentur. Hinc fugientem cum quædam filium uideret, sic cum allocuta fuisset fertur, uade in tenebras malum uirgultum: cuius ob odium Eurotas Spartæ flunius ne ad timidas quidē damas fluere dignabitur, inutilis catulus, mala portio, uade sub orcum, uade nec Sparta dignus, nec parentibus, alia cum Demetriū natū à bello magno tremore redeūtē, omni armaturæ ornatu desperdito obseruasset, dentibus acutis frendens, & per ilia ense impulso, filium ulta, masculum testimonium suæ virtutis reliquit, talibus editis uocibus, quæ uiros magis decent, morere (inquit) nec habeat hanc inustam notam Lacaēmon, quid enim illa errauit, si timidos meum lac enuiriuit? Lacena item ancilla rogata, an ad uirum accessisset, cum quo nupta erat,

erat, nō ego pudore suffusa ad illum accessi, sed ipse ad me. Sed ante omnia admirabile est pudoris uirginum Milesiarum exemplum, ad ostendendum: quātam hic uim habeat ad probitatem. Milesias uirgines pernitosas & subita irrepit uoluntas obcundae mortis. nec erat numerus earum quae se suspendissent, & ad incerti euentus interitū cucurisset, sed efferebantur indies, certatim omnibus inopina causa ad mortem cōtendenibus, ut internitio earum, & omnimoda calamitas speraretur, cū nulla tāto malo medicina adhiberi possit, nec pacto ullo, aut suastombus deterrerentur (quid enim non cōtemneret: quae nibili mortem faciebant?) inuentus est quidā, qui lata sententia decreuit, ut omnes quotcunq; se peremissent, nudis corporibus, cum eos fune quo se suspendissent, per uicos ad humādū efferrentur. Nulla fuit, quae postbac uoluntariam mortem subiret, pudore tam in honesti funeris, & quas non casus acerbis: nō mors durissima (quā terribilium ultimum, & in qua despicienda fortitudinē uersari uoluit Aristoteles) nō parentū luctus, nō uitae cupido atque lucis, non deinde illa ratio, ne sibi violentas mortes consenserent, per uincere potuit, unius pudoris phantasia & opinio, quam uita functae essent habituæ: eas à tam nephario sceleto inhibuit. Non est contemnenda quoque uerecunda responsio Olympiadis ad Alexādrum filium qui cū sic scripsisset. Alexāder Louis Ammonis filius Olympiadi matris salutē, ad hūc modū rescripsit. quiesce (inquit) Onate, neq; defferas, neq; criminis me aduersus Iunonem. nam tu me illi tua epistola pellicē cōsideris. Vē recūda ista, & comis matris ad filiū rescriptio, superbū animū uictorijs & adulatio[n]ibus elatū admonuisse uisa est, ut opinionē falsā deponeret, qua natū ob secūdū fortunæ applausum se de Ioue crediderat. Aristotelis quoq; laudatur in diligendo successore uerecundia. nā cū sexagesimo secūdo ætatis peracto anno, diligere uellet successorē ludi, ad quē post eius obitū discipuli cōcederent, præstarentq; inter ceteros Menedemus Rhodius, & Lesbius Theophrastus, ne si alterū præponeret, alteri fuisse iniurior uideretur, iussit ut uinū sibi Lesbiū & Rhodiū curarēt, usurū uero se eo, quod magis placeret, quod ubi allatū ipsi fuisse, ubi utq; rūguisset, præfeti bus qui successorē magisterij petierāt, iucūdū inquit & firmū est Rhodiū, sed Lesbiū tamē suauius: quod ubi dixisset, nemini fuit dubium, quin successorē ea uoce nō uīnū lepide simul & uerecunde sibi delegisset. Quin & Alcibiades Atheniensis singulari pudore præditus memoratur, nā cū traditas sibi tibias ab Antigenida tibicine, qui eum Periclis suasu docendū suscepserat, ad os adhibuisset, inflauissetque, pudefactus oris deformitate, & rictu distento, mox abiecit, infregitq;, à quo tempore cū antea summæ laudi daretur, disciplina tibijs canēdi desita est. Poetae etiam multi insuis carminibus pudorē fecisse uidetur, cū cōcubitus lege naturæ operiendos signifarent, ut Homerius cum dicit.

ANTONII LODOVICI MEDICI OLYSS.

Virginem soluit cestum, legemque cubilis. Et rursus.
Munusque cepit amoris, Et item.
In sculptis illi thoris cepere soporem,
Et Virgilius cum de Vulcani cum Venere congressu ita scribit.
Optatos dedit amplexus, placidumq; petiuit,
Coniugis infusus gremio per membra soporem.

Nihil aliud celebres ac doctissimi agunt poetæ, q; ut iure coiugij mistos, uerecunda quadā trāslatione uerborum significant, atq; demōstrēt, quod & Hebræorum lingua item cognoscere, ut rem sordidā quātum possit, obtegat, uerecunde appellare solet. Quāobrem sacra lingua uocata est, quia scilicet castissimis atque pudicis, nec ullatenus aures offendētibus rerum nomenclaturis utitur, quale est. Cognovit Adamus Euā uxor ē suā. & nisi in faciem benedixerit tibi Iob primo capite: pro eo quod est maledixerit. & in Exodo, abominationes uestras immolabimus in oculis uestris: & lapidibus non obruetis nos, cauet enim ne quo pacto nomen dei tetragrammaton, non solum assertive, sed neq; cōmemoratiue uerbo aliquo indigno significant. Et rursus deos quos Aegypti colunt, abominationes uocat, ne idola gentium, uel dicto dij uocentur. Est etiam alia causa sanctitatis huiuscē linguae quia non habet uocabula aliqua propria, quibus membra uel naturales actus appellant, quod uitium aliarum linguarum omnium proprium est, & peculiare, ut plura fere nomina pudendis & genitalibus membris indiderint, quam alijs rebus, ueriti forsan, ne appellationum penuria has partes minus notas haberemus. Latini infandis foedisque uocabulis hæc significant: omnia impudicitiae genera tam masculæ Venēris quam alia rū turpissimis nomenclaturis comprehidentes, ut (& si uelimus) Sodomorum, & asotorum dum masturbationes, pedicationes, & alia id genus nephanda uocabula (quorū ne significationes quidē tenemus) audimus: obliuisci nequeamus. Græci quoque non multo honestiores appellationes indiderunt: quas nullus paulo humanior audire sustineat. Virginæ & aliarum superfluitatum uocabula non pauca apud Latinos sed plurima apud Græcos quæ pudet referre. Hebræi in hoc pudentissimi nullum membra genitalis sibi proprium nomen habent, sed uocant quid hoc est neruum, simum alii sōa dicunt, à uerbo quod exire significat. uuluam rebem hoc est matricem suæ gentis uocabulo nuncupant. Genesis quoq; capite septimo quē Bræfit dicit̄ Ioclo litteras integras scriptura adiecit, ne uocabulo minus sacro uiteretur, ne enim diceret ex animalibus impuris, uel inquinatis, capies tibi se p̄tem: circūlocutione uisa est dicens ex animalibus quæ non sunt pura. & quæ sequuntur. Sed non sufficere possum, si gentis huius munditas, & puritatem lecli, atq; cubi-

LIBER DE PUDORE.

lis: & mensæ non ad lauticias, sed ad ciborum delectum, & frugalitatem compositæ temperantiam uelle pluribus nescientes docere. Illud unum addam, q̄ si ita malorum operum, quæ necesse est facere eos, qui bonitatis originem, & foniem deum non credunt, quorum qui p̄ijſſimus est, is longe imp̄ijſſimus sit oportet, eſſent immunes, & Christum deū, & ſaluatorem colerent: quem ſui maiores auaritia, & ſcelerum labemaculati, cruci dederunt, ineffabili gloria exaltandum. Si inquam Iefum in cuius nomine dæmonia fugantur, fide integrâ uenerarentur: quemadmodū ſibi cauent, ne impuras culpas contingant, & ſi a mendacijs, perurijs, uuris, & proximideceptione & que ut à porco abſtineant (quod noſſe ſoliſ dei qui corda ſcrutatur: eſt opus) haud dubitem quin recta ante alios mortales in cælum deuolarent. Nō præterea etiam eſſenorum apud Hebræos inſignis pudor inter cæteras uirutes (quod nomen uel sanctos: uel cōtemplatiuos ſignificare putant) qui ſabbatis quidem uenrem non purgare dicuntur, cæteris autem profeſiis que diebus dolabra foueam in locis ſemotiffimis, nec ſoli peruijs facientes, uel teque dimiſſa, diligentissime ſe obtegentes, ne lumini diuino iniuriam faciant, alii onera deponunt, & mox ierram quā effoderant, reducunt, & tanq̄ ab immūditia q̄uis ſit naturalis, ſolemne habent, ut diluantur. Sed ante q̄ hinc digrediar, illud quoq̄ annotaſſe non pigebit, uiros naturæ li quadā ſponte pudētiores eſſe: & honestiores, q̄ foeminas, quorum nulium ut decētiſſimum faceret natura, ſimul & ornatiſſimum, barbam addidit, at uero foeminas tāq̄ minus ſeueras, atq̄ pudibūdas, priuauit barbitio. Quales enim cuiuscūque generis animaliū ſunt mores, talem illi natura corporis ſpeciem exhibet: ceruū, leporem, dasypodē, quoniā timida & meticuloſa ſunt animalia, armis tāquā onere ſuperfluo priuauit: ſed celeritatē dedit, qua ſe celeri curſu ſurriperent, ſtrēua autē, & pugnacia, ut apros, ut tauros, ut lupos, unguibus, dentibus, & cornibus armauit: hoīem quoniam uerſatile mētē habet, manibus omniū organorū uicem ſuppleturis donauit. Foeminas itaq̄ quoniā morem minus habent honestum: mēti grauitate natura priuauit. Hinc barbā promiſſam philoſophis alere fuit translaticū. eſt enim plena cuiuſdam maiestatis uiri facies, poſtquā pubuſſe cepit, & tātā uenerationē ſecū affert bene profoundum mentum, ut nihil mirū ſit piratas fama Scipionis adductos: Linternūq̄ profectos, mox ubi eū uidiffēt, abiſſe cōſpecta magna quadā uultus maiestate. Nec uero ſilēio iuoluā mēbra generationi destinata, i oībus linguis quas mihi didicisse cōtigit, à pudore fuſſe appellata: ut ſcilicet intelligeremus earū partiū pudore ante via ſeruādū, nec ea mēbra impudice aperiēda uel reuelāda eſſe, de quibus pudendorū indito noīe cūcli nos pudescere uoluerūt, quoniam ut puto hoc uitio homines ad bellum maxime libidinem propius accedant. Quis enim non uidet quæ libidine incita,

ANTONII LODOVICI MEDICI OLYS.

non solum equæ (quarum est furor nobilitatus) sed & cuncta animalia perpetrare soleat: & quanto impetu libidinis hausta imaginatio turgescit in Venerè feratur? Pudenda itaque dicitur Latini, Græci aidoia vocat, quia scilicet aidos pudore significet: eadem ratione Hebrei mēbusē appellat, quoniam hoc uerbū bus pudeſcere, & cōfudi, & erubescere apud eos designat. Quærerit autem Aristoteles quare est quod hoīes rē Venereā agere cupiētes, cōfiteri se cupere maxime pudeat: at edēdi, & bibēdi, aut aliquo eiusmodi desiderio cū tenetur, quæ cupiāt fateri nil pudeat. Respondetque id ēſe in causa, quoniam aliarū rerū sit usus necessarius ad tuendā uitā, uel saltē honestus, & quæ plurimi oīes cōcupiscat ut honores: & id genus alia, at rei Venereā libidinē supflare, & animi putris atque saturi indicē ēſe, frigere nāque Venereā ut inquit comicus) si ne Cerere & Baccho. Neque enim coitus iuuenum prostitutor, & uirium unicus & ualentissimus deperditor (quem ad Alexandrum scribens Aristoteles ludum porcorum appellauit) pro tuendo indiuiduo, sed pro producenda spetie necessarius est. cum multos immo innumeros legamus, qui sanctissimi atque casti deo seruierint ab absq; ullo muliebri commertio, & præcipue apud Christianos: apud quos sacerdotibus connubia sanctione patrum interdicta sunt. Alexander duobus ijs mortalem natu ram suam sentire & cognoscere se aiebat: Venere, atque somno, quoniam & labor, & uoluptas ab eadem naturæ imbecillitate proueniāt. Sed & quæſitiū a ſacris theologiae est, an quando corpora etiam in die iudicij universalis (quādo omnis caro antē aeternū illū iudicērationē redditura actorū cōſtituetur) resurrectura ēſe fide teneamus, beati de corporū nuditate pudeſcēt, nec enim eos dicēdū est uestibus ēſe indutos. Ad quod(quantū ego ex illorum librīs colligere poſſū) hæc responſio dāda est, quod postq; beatitudine ſempiterna donata fuerint corpora eorum qui hic sancte uixerunt, nullus erit uestiū uetus. Perfectior quippe est ſtatus beatorum, q; eorum qui in innocentiae ſtatū erant cōſtituti: ſed cum hijs ante peccatum comiſſum non fuerint uestes neceſſariae, ergo nec illis erunt: qui nunquam casuri diuino ſpectaculo fruūtur. Sic enim habendū eſt, tū domos, tum item indumenta ad obtegēdas turpitudines fuifſe inuenta, quæ nō palā honeste retegerētur. Suffunduntur quippe hoīes oīes rubore: ſi uerenda nudētur, quoniam in ijs quidam patibilis ardor, & pruritus insurgit cōtra rationis imperiū, quod cū in electis non erit, proculatē nimirū oībus affectibus, & diuino igne, materiā cōſequentiibus ſcybalis, atque paſſionibus cōſumptis: nihil ſane eſt, quod uestitu indigeat, ſicut nec primi illi hoīes, qui nudi teſtāte ſcriptura cū eſſent, atq; agerēt, nihil perinde acſi nullū malū eſſet, pudeſcēbat, ſed cū deliquiſſet, exarſerūt in utroq; quadā libidine partes generatiuae, quod aetē nō fuifſet perpeſſi, & feruore quodā in Venereā fuerūt incitatæ, & peccatū deniq; poena cōfertiū ruboris cōſecuta eſt. quæ

quæ nulla in beatitudine illa esse potest, quam esse statum omnium bonorum adim-
pletione perfectum diffinimus, impletis scilicet potentijs omnibus: & suscipientibus
omnem felicitatem quam recipere unus quisque possit. Quamobrem nec uestes in
illis aliquid efficent, non minus enim cerneret beati, cor, & intestina, & reliqua
uiscera aliorum beatorum, quæ uultum, & extimas partes, quoniam & cogitationes
aliorum non minus quam proprias cognoscunt, quas si appeterent percipere, nec da-
retur, non plene essent beati. & ut satis recte Augustinus in libris quos de ciuitate
dei inscripsit: non magis in uita æterna de pudendorum nudatione erubescunt, quæ de
pulchris oculis, aut manibus, quas intuemur, nec enim erit ullus accessus ad fœminam,
nec carnis irritatio: quod satis saluator respōdens Saduceis insinuauit, cum diceret
eos nescire uerum scripturarū intellectū, nec enim post resurrectionem, aut nubere
fœminas, aut duci uxores, sed manere omnes sicut angelos dei in cælo, qui uilla nesciūt
connubia, nec uilla apud eos Talasua in nuptijs concinūtur, qualia Romani quum
domum ducebant nouas nuptias, de more dicere solebant. Christū quoq; qui nobis sa-
luti fuit, gentibus ludibrium, Hebræis autem scandalum, nullis uestibus ad tegēda uul-
nera indigere affirmant, quando eorum manifestatio illi sit gloria, rebellatio per
illa diabolo, cui genus erat totum humanum obnoxium: & deuicta morte, regnique
sempiterni gloria suis fidelibus parata. Quin nullam esse turpitudinem, nec mem-
brorum ullam foeditatem: ut tegumento sit opus, in illa bonorum omnium possessio-
ne firmissima manifestum est, cum potius magnam luminis uim atque splendoris ex
illis glorioſis corporibus exire: illustrantis, atque nitore facientis omnes particulas
credibile sit. Angelos etiam in corporibus assumpis, siue stibus, seu stolis adamis-
tos legamus, ideo eos sic apparuisse: quoniam cū hominibus erant uerba facturi, qui ue-
stibus obiecti incedunt, non quia per uestes acciperent, ut posset uideri: aut ut par-
tes corporis inhonestas obtegret, cū corpus solū concreto ex aere, & condito, ima-
ginariū: nō uerū & subsistēs haberē: intelligēdū est. Addūt præterea redēptorem
nostrū (cuius nomē est super omne nomē) postq; surrexit a mortuis, discipulis nudū
se exhibuisse uidēdū: cū Thomæ dixerit, infer digitū tuū huc, & mitte manū tuam in
latus meū, & in fixuras clauorum, & discipulis: palpate & uidete, quia spiritus car-
nem & ossa nō habet. Sed quodāmodo uidemur nostros limites egressi, quare relato-
pede ad Lyceū & Peripatū uestigia cōferamus: ut intelligamus q; recte Aristote-
les totius philosophiae hypatus atq; coryphaeus de pudore se ferit: qui cū a uirtutibus
seuixit, sed illius audiamus sētēnā. Pudor (inquit) affectus & passio magis est, q; uir-
tus & timor quidā est ifamia, & potius metus quidā dedecoris est, q; q; ī eo sit uirtu-
tis aliqua significatio, nō etiā sit sine corpore, quod habitibus studiosis cōuenit. Quo-

ANTONII LODOVICI MEDICI OLYSSIS IP.

niā si uirtus eſſet: omni cōpeteret ætati, at ſenē nemo inquit laudauerit, qui pudibūdus ſit, iuuenes autem pudorem ideo decere, quoniā cū ſint ad uitia proclives à pudore prohibeātur, quin et a uiro probo omnem abeſſe debere pudorē aſſerit, nec enim uir probus res malas uel ſimpliciter, uel uulgi opinione aget, quod si rem aliquā turpē inuitus fecerit, non ideo pudescere illū debere, quoniā de ijs quæ nō ſpōte fiūt, nullus uerecundatur, erit uero pudor non ſimpliciter, ſed ex ſuſpoſitione bonum, hoc eſt ſi cōmifit quis turpia, ut pudore afficiatur eſt probi, quamq; operæ preciū ſit, ut nihil pudore dignum efficiat. Quod itaq; Aristoteles ait, a quo (ut fateri nō pudet) totius bonæ doctrinæ elementa defuſpſimus, uerecundiam quidem laudabilem eſſe, ſed non uirtutem, ego quidem non uideo, quid ſit laudabile, quod non ſit ſtudioſum, ab eodem certe magiſtro didicimus, pulchra ſeu honesta laudanda, turpia autem uituperanda eſſe, et quod laudabilium genera ſunt uirtutes, turpiū autem uitia. Nam quod ait uerecundiam ſemper ex malo commiſſo procedere, non omnino probo, eſt enim quidam pudor, qui et ſi nihil uitiosum commiſſeris, tamen ubi ſis coram prästantiore conſtitutus, ſequi ſolet, et qui pueros bonæ indolis, atque ingenuæ, ex optimis parentibus educatos maxime deceat, qualis ab Homero tribuitur Helenæ dum ad Priamum inquit.

O metuende mihi ſemper, multumque tremende,
Chare ſocer.

Et Vlixes ad Nausicaam, o mulier ualde te metuo, et admiror. Rursus ut idē Aristoteles ait duplex eſt timoris ſpecies, altera cum pudore et uerecūdia, altera cum odio coniuncta eſt, illam pudicas mulieres erga uiros, et liberos erga parentes modestos, et ciues ad bonos gubernatores decere, hanc autem ſeruos in dominos, et omnes bonos in tyramnum habere arbitratur: nec enim amor unquam laudatus eſt ſine pudore, et reuerentia. Sic angelos orationem deo cum magno timore, et gaudio fundere nos docet ſcriptura, non quoniam aut timeant de caſu, aut iram diuinam perhorreſcant, nec enim beati ita cenſerentur, aut quia peccati uitijue alicuius compotes fieri poſſint, ſed quoniam ita comparatum natura eſt, (nec enim quis deteriorē reueretur) ut erga meliores uel ſapieniores, huiusmodi affectus habeamus. Ad eum modum plures uideas, qui pudore coram aliquo quem diligunt, affecti: non ſolū non putant turpe uerecundiā, ſed gaudent in hoc maxime, atque ſibi in hoc mire cōplacēt. Quod ſi obijtiatur aliquos ideo pudere, nō quia rē turpē cōmiferint, ſed quia metuant, ne in hoc incident, nō uideo cur hoc uirtutis non ſit, cuius opus eſt non ſolum agere honesta, ſed etiam fugere atq; recedere a prauis. Iā uero quod uult Aristoteles uirum ſtudioſum non ſolum a turpi facto, ſed etiam ueluti Cæſaris uxorem

ab omni calumnia alienum esse debere, dum prohibet eum ne turpia factu dumtaxat, sed & opinione hominum perpetrare audeat, qualiter hoc constare posse uiro sapienti, si habendam uulgi rationem autumat, non capio. Quandoque enim uir bonus & pius cedet iniuriam facientibus, nec tamen pudore afficietur, quod succubuit, cum apud eum uirtus sit potior, quae monet ne laces situm quidem ad iram prouocari: sed condonandas esse iniurias patientia. Quin & uir, qui deo placere quam idolis gentium magis uult, maculari & interfici millies antefuisse, quod & thura tribus digitis comprehensa iniiciat in ignes deorum, quod tamē stultum uulgo putatur. Quid igitur, an quia stulta haec putantur, seruum fugituum a precone cum damno magno meo, & domum pestilentem denuntiari non iubebo: cum uendo? aut argentum quod mihi pro plumbo uenditur, non indicabo: ut meo seruiam compendio? uel aurichalcum ab ignaro uendori putatum non ostendam esse aurum: ut minoris emam? calliditas haec est, & deceptio, & maxima sapientia meo iudicio uideri debet, si quis quantumuis ab omnibus stultus computetur, neglectis proprijs commodis unicam ueritatem anteponat. Stultus creditur homo ille iustus, qui tabulam naufrago, aut equum sautio non adimit, quo uitam suam liberet, & tueatur, atqui non potest mea sententia non summe sapiens esse, qui mori malit, ne alteri noceat: & quo incorrupta seruet innocetiam: proprijs non dubitat dantis pacisci. Stultitia praeterea hominum, summa sapientia est apud deum, altius autem cristas erigens, & sexiollens sapientia, summa stultitia deo reputatur. Nam omnes qui se philosophos vocauerunt, quantumvis miro studio inquirende ueritatis exarserint, ueri inscitiam ipso nomine profertur. Superiori autem hominum etate ante aq[ue] philosophi nomen passim usurparetur, pauci quidam numero (nam septem fuisse memorantur) extiterunt, qui sapientum hoc est hominum titulo censerentur, quos & qualiter deus genuit ad sapientiam, sed & ij quoque longe aberant, ut digni tanto essent cognomine, quia nemo uere sapiens iuditio stultorum esse potest. Quando igitur apud eos qui sapientiam profitebantur, non sit inuenire ueram sapientiam, & alicubi reperiatur necesse est, ea ut apud eos qui stulti putantur, comoretur oportet. Apud gentes quae uirtutem nudam sequebatur, hominemque morte consumi putabant: stultissima quædam res uirtus erat, quæ nullum premium laborum recipere: & mille calamitates sustineret in uita ob frigidum dumtaxat nomen uirtutis, quæ nullam esset recopulationem habitura, nos autem qui huius uiae mortalibus spretis blanditijs: & alleclamentis, altiora sapimus, quia uitam eternam in precium (si constanter in perferendis, non autem irrogandis pro amore & fide dei erumnis perstiterimus) speramus, stultissimi omnium existimamur, quia omnia quæ misera sunt, uel creduntur, pro deo non dubitamus perferre, quem

ANTONII LODOVICI MEDICIOLYS.

terrenæ mentes, oculo animæ purgato suscipere non poterant. Voluit enim deus uelamento stultitiae: ne archanum sui diuini operis in propatulo esset, thesaurum ueritatis suæ & sapietiæ abscōdere, ut sapiētia humāna pessimaret, & ut difficultate ob oculos posita, quādo quilibet sibi ea proposita uideret, quæ qui faciūt, stultissimi iudicātur: perseverantes, & omnia, uitam scilicet atque opes, quas uulgi admiratur, & nos deniq; ipsos negligentes in gloriā dei, & eterna gaudia mereremur. Ergo iam ut ad Aristotelem tendam, non uidetur satis naturam uiri probi diffiniuisse, nec recte illi agendi materiam præscripsiſſe dicens: nec secundum ueritatem, nec secundum opinionē turpia facienda eſſe, quia uulgi animis stare nos præcipit, quod nunq; non errat atq; labascit. Sed nec merito amicos illos Pythagoreos laudabit, quorum alter uadem in periculo capit is pro amico se obtulit, alter ad constitutum tempus reuersus, sponsorem suum qui iam ad mortem ducebatur, suo aduentu redemit, quia & ſi opus fuit diuīsum, & tyrāno ipſi admirabile fecerunt, qui melioris uitæ deinceps aſſecla eſſe cepit, contra tamen, q; populo uidetur, qui uitium putat propriæ uitæ non parcere, ut alienæ parcas, & cum periculo uitæ iustum eſſe, id ipsum quod laudant, & extollunt, illi ſunt operati. Atq; ut Aristoteli respondeamus unico uerbo, dicimus iustum quamvis turpia aut nephanda, hominum temeraria existimatione perpetret, non ideo pudescere, aut rubore ullo suffundi, quia magis propriæ tribuat conſcience, que nullius ſibi ſcleris pudendi eſt conſcia, q; uulgi rumusculis ducatur. Aristotele autē ideo puto hallucinatum, quia hominem studiosum credebat, ſi aliquid turpe secundum uulgi opinionem egiffet, pudore mox iri ſuffuſum, quem tamē omnis affectus expertem eſſe uoluit, atque huius præcipue qui ex turpium cōſcientia oriri credebatur, ſed cum Aristotele fortassis plura. Stoici uero audiendi non ſunt, qui omnes affectus audaci proposito, tā quam prava opinioē hominum in nobis genitos extirpare nituntur, quia dum affectus tollunt, hominem ipsum quaſi excastrāt, & ad ignauam & ſegnem, atque inertem uitam transferunt, & affectibus carente, dum cupere, dum pudere, dum misereri, dum metuere, dum denique irasci prohibent, qui quidem tum demū laudandi eſſent, ſi efficerent ullatenus, quod intendunt, quod tamē impossibile factu eſt, non minus q; naturā immutare, non enim iij nobis minus ſunt naturæ, q; canilatratus, & amor, & caudæ blandimenta erga notos, aut ceruo ti mor, aut leoni feritas, aut ira feris, aut anguibus uenenum, aut placiditas pecudibus: quos ſi quis affectus ex illis euellere uelit, facilius animal interficiat, q; quicq; immutet. ira namq; ex cordis ebullitione naturali ui procedit, iecori tanq; præſepio cupiditas alligata eſt, gaudium licetis beneficio prouenit, quas passiones in nobis nō eſt compescere ne nascantur, carum uero augmētum prohibere possibile. Sed nec Ari

stoletis qui omnes effectus in medio laudauit, ueritatis calle processit. Est enim cum summe pudeſcere ſi pro crimeſe ſit, non ſit uitioſum, at uel paruus pudor peccati crimeſi datur. Quin & libido ſi extra legitimum thorū non euagetur, quamuis ſit uehementis, culpa uacat, ſi autem alienum appetat, quamuis leuiter: non caret crime. Metuſ item ſi deiſit, nihil eſt, cur quāuis maximus nō approbetur. Sed quid ago? nec uidere illi deū, nec ad illū referre quidquā potuerūt, quibus ille nōdū ſe reuelare eſt dignatus. Stoici autem dum hoīes eneruant ueluti, non multum abſimiles ſunt ruſtico illi colendi ruris iſolenti, qui quoniam uicinum uidiffet fraxinos deputātem, ſtolones uitium, atque olearum proceros abſcidentem, putans ſe naclum iam rei ruſticæ disciplinam, ad agrum quem in propinquuo mercatus fuerat properans: oleam ſibi, atque uitem omnem miser detruncat, comas arborum lētissimas, uitiumque uberrimos palmites decidit, atque cum luxuriantibus & caprientibus arborum ramis, cum ſentibus, & rubis, fruteta quoque & uirgulta frugibus, pomisq; gignendis foelitia purificādi agri gratia conuelliit, quem enorū ille ex ultima Barbarie oriūdus: dum mundare & auerruncare cupit, euertit, quod stoici haud dubie faciunt, qui uebementioribus omnibus animi affectibus amputatis, hominem carentem materia in quam uirtutem exercere poſſit, relinquunt. Si datur landi Platoni: q; ad amicum cōuersus, percutē tu(inquit) ſeruum, nam ego ſum iratus: & Charillo regi, quod ad quendam, qui ſe audatiuſ cum illo gerebat: responderit, per deos te interfeciſsem, mihi eſsem iratus. Si(inq;) maxima uirtus eſt, ira nō cedere, atque in medio iracundiæ feruore ſibi temperare, caret ergo uirtute, quiſ quiſ ira caret, quam reprimat. Si uirtus eſt cupiditatē ab alieni apperitione refrenare, nullam certe uirtutem iſ potest habere, qui nihil cupit: quod uirtutis uſus cohibeat. Si uirtus eſt, libidinem corporis cōtinere, cum maxime turget: careat uirtute neceſſe eſt, qui nunq; libidine ſtimulatur, qua extincta laudandus eſſet. Vbi ergo non ſunt uitia, ne uirtuti locus eſt quidē, ſicut nec uictoriæ lētæ ubi nullus eſt aduersarius. Nos itaque emulati naturam, quæ honestiſſimas partes atque decoras in uultu omnium conſpectui poſuit, at turpes (quarum uſus eſt quamuis neceſſarius) abdidit, atque occultauit, illam (inq;) nos imitantes: pudorem atque decorum imprimis ſeruemus, nec cynicos audiamus, qui quod factu turpe non eſt, non obscene dici putant. Sed prudentes & docti homines, earum particuſlarum opus: quibus aut proſpicimus generi, aut corpus ſaburra grauatum, a ſentina atque recrēmentis expurgamus, nec in propatulo exercent, nec nominibus appellant ſuis. Canini autem illi philofophi nobis ideo ſunt ex hoc albo reijtiendi, quia multa ſunt ut latrocinari, adulterari, ſupra committere, quæ re turpia ſunt, ſed dicuntur non obscene, contra liberis dare operā, urinā reddere, aluum deponere, re ipsa bone-

ANTONII LODOVICI MEDICIOLYS.

honestum est, sed obscene proprijs nominibus appellantur. Verecundiā ergo tum dicitis tum factis exercentes, meminerimus nō debere eſe nos deteriores scānicis, quibus mos inualuit, ut nullus sine subligaculo prodeat in scānā, metuentibus ne si aliquo casu euenerit, ut corporis quēdam partes aperiantur, non decorā appareant. Quod si Romanorum uerecundia hunc morem seruavit, ut cum parentibus puberes filij, cum saceris generi nō lauatur, nos cetero deo mancipati: q̄tū operā preciū est ut puris manib⁹ atq; corde imprimis circumcisio, cuius imaginē gerebat. Iipyce circuncisio glandis, cordis aliquatenus figurā referētis, tradita Iuda is ad diuina deo seruituri accedamus, & huius generis uerecundiam retincamus. Hinc enim ietius ueteri lege porcus immolari, ut exemplo sordidi & lutulēi animantis, humilia sapientis, coeno se uolutantis, nūquā alta suspicentis, munditas amaremus, & sefretis terrentis, sublimia & cælestia cōtemplari doceremur.

DE inuerecundia eo tractatus nobis facilior erit, quia multa iam de pudore p̄astrinximus. quare aliqua dūtaxat exempla proferamus, quæ memoria in præsenti subministrat. Fuit nō multo procul ab æta te nostra, quidam in libidinem mirum in modum proclivis, quam exquisitus immo nephanda ratione incitabat, uidebat mulierem quam amabat, ut iesus sibi atq; scapulas ualidissimis uerberibus urgeret: atq; affligeret, quod quo illa fortius fecisset, & executa eſset, tanto magis ille Venerem sentiebat sibi dulciori eſſe uoluptati, ad hanc rem pridie funē dabat aceto macerandā, qua sibi artus cæderentur, unus plane homo (nisi immanis potius bellua dicenda est) qui inter grauiſſimos cruciatus innocentissimorum membrorum, quereret uoluptates. hunc morem & pueris reseruauit, inter quos dum eſset, ita inter eos cautum erat, ut pudicitia mutuo probe flagellati prostitueret. Philoxenū Erixium, & Gnatonē Siculum opsonatores nobiles, immo gulæ proceres & ganeones perditissimos, in catinum & patinas epularum solitos se emungere legimus, ut ceteris abstinentibus obſpiciatis, ipſi ſoli citra emulum dapibus ingurgitarentur. Diogenes quum non tam cito quam uellet aduocata meretrice aduentaret, ipſe manibus mutone correctans, inuerecunde apud ſe Venerē exercebat: quod cum aliquando mulier cōquereretur, festiuſ inquit, manus Hymenæum celebrando, te p̄auenit. Idem quum Venerem in cōſpectu omnium more ferarum exerceret: interrogatus à quodam quid faceret, hominē (inquit) ſemino. Non caruerunt adulacionis uitio ſummi philofophi: quæ ad inuerecundiā proxime accedit. Sed duo ante oēs Plato & Aristippus bac ignominia notātur, quorum alter cum ob aſſentationē, quam tyrāno p̄aſlaret, ſuggillaretur, reſpōdit: pifcatores quo paruulum caperent gobū, marina ſe conſpergi patiuntur, me autē quæ

inuidia

LIBER DE PUDORE.

inuidia est, quo magnum tyramnum accipiam, si dum conspuor uno & aqua mixtis ex ore tyramni perfundi facile tolero? amarulenter item in Platonem Diogenes cum diceret se tantum oleis cōtētum uicitare, an nō erant (inquit) Athenis oleæ, ut tu tertio in Siciliā olearū gratianauigares. Demonax quæsitus quid haberet: cur ad philosophias se conferret, testiculos coleosq; respōdit. Vtula quoq; illa nō prætermittēda est, quæ dum Veneris delectationem uidendi muneri cui insigniter Venera officiū: prætulisset, omni pudore deuorato, uale (inquit) charum lumen. Ale xander quoq; in Philippum impudentior fuisse traditur, cypho in eum missō, contra quē cū insurgeret pater, hastā uibrās, & ob iram cecidisset, ut lancea aberraret, uidete (inquit) o uiri, parat ex Græcia in Asiam cū exercitu traijcere, qui ex uno sedili in aliud assurgens concidit. a scalaphus quoque ob impudentiam, in bubonem dirū onē mortalibus, transmutatus fertur: quia Persephonæ impedimento fuit, ne in cælum remearet, accusans quod septem grana ex pallido mali punici cortice decerptos comedisset. Postremum illud sit atticos omnium impudentissimos fuisse habitos, unde atticus aspectus pro impudenti in prouerbium abierit. namque Theophrastus auctor est aram impudentiae apud athenienses dicatam: solebat nempe ea gens quæcunq; magnā aliquam utilitatem cōtulissent, consecrare. De impudentia sic Theognis. Iam nunc pudor ex hominibus perit, uerum impudentia per terram extento paſſu uagatur. Euripides autem ita ait. Nō hoc est audacia, aut fortitudo, si amicum bene meritum obuerso uultu respicias, sed maximus omnium qui hoībus adueniunt morborum impudētia. at Theogonus in hāc scriptum reliquit sententiā. Humana omnia cōfessere sunt nata, & quæ in tēpore uersantur: ad finē declinare solent, præter solā impudentiā, hæc enim q̄to magis augetur hominum genus: tāto per singulos dies euadit maior. Menander optimus hunc in modum. o maxima dearum nunc existens impudētia, si deā te uocare oportet, præstat autē: quod enim præualet, hoc nūc deus putatur. Herodotus uero sic, simul ut pallium exuit, & pudorē exuitur mulier. a Xenophonte accepimus: q; eum qui gratiā nō refert, maxime sequitur impudentia quæ maximū supra uitia omnia crimen uidetur. Sed de pudore, & impudētia satis pro tēpore, de ueritate & mendacio, alio loco docebimus, ut uel saltim nos aliquādo uixisse testemur.

FINIS.

IMPRESSVM EST HOC OPVS DE OCCVL-
tis Proprietatibus, & liber de Pudore, Antonij Lodouici medici Olyssippo-
nen sis, mense Martio. anno domini M. D. XL.

OLYSSIPPONE.

¶ *Digitō compēscē labellūm.* **¶**

¶ *Melior ēst sapientia: quām uisa bellicā.* **¶**




¶ *Nullus propheta sine honore, nīs in patria sua.* **¶**

¶ *Occupatis nibil scribo meum.* **¶**

¶ *LINIS.* **¶**

¶ IMPRESSUM EST HOC OPUS DE OCCIDENTE
¶ D. B. DE PONTEFACIO. M. D. X.
OLYSSITONI.







Sala R

Gab.

Est.

Tab. 54

N.^o 4